

KIKAO CHA 8 CHA ZÚME MWANDIKO WA VIDEO

Chembechembe za Uongozi

Katika kikao hiki, tutajifunza jinsi CHEMBECHEMBE ZA UONGOZI nhuwatayarisha wafuasi kwa muda mfupi kuwa viongozi wa maisha.

Moja huwa mbili. Mbili huwa nne. Nne huwa nane. Kujizidisha moja moja. Kuongeza vizazi. Ukuaji wa kilelezo.

Huu ndio mfano Mungu aliujenga katika uumbaji wake. Hii ndio njia Mungu ananuia jamaa yake kukua. Tayari tumejifunza kuhusu mfano wa theluthi 3/3 ambao huwabaidilisha watumiaji kuwa wazalishaji, wanafunzi kwa viongozi na wanafunzi kuwa wanaowafanya-wanafunzi.

Angalia Nyuma – Angalia Juu – Angalia Mbele. Jifunze – Tii – Shirikiana.

Hii njia ya kukutana pamoja hufanya ukuaji wa kiroho unaoendelea kwa kila mmoja wa waumini na ukuaji wa uzalishaji katika kundi la wafuasi wa Yesu linaloendelea. Mfano huu huwasaidia wanafunzi kujizidisha.

Itakuaje ikiwa kundi litakuwa pamoja kwa kipindi kifupi tu, Je, bado wataweza kukua na kuzalisha Ufalme wa Mungu? Chembechembe za uongozi ni mfano wa theluthi 3/3 kazini wakati umeelewa kwamba kuna kikomo kwa wakati ambapo kundi linastahili kuwa pamoja.

Chembechembe za uongozi huandaa kila muumini kwa muda mfupi kujifunza mfano wa uzalishaji unaodumu maisha yote. Chembechembe za uongozi huwasaidia wanafunzi kuwa viongozi ambao wataanzisha makundi mapya, kufundisha makanisa mapya, na kuanzisha Chembechembe za uongozi ili kukuza jamaa ya Mungu.

Chembechembe za uongozi hufanya kazi vyema wakati kundi linasonga.

Watu wa kuhamahama, wanafunzi, wanajeshi, wafanya kazi wa ki msimu ambao wanamfuata Yesu hufanya kazi nzuri katika Chembechembe ya uongozi. Kwa sababu ya utamaduni wao, taaluma na msimu wao katika maisha – huenda wanaweza kuwa na wakati mgumu kuanzisha kundi linaloendelea, lakini wanaweza kufundishwa jinsi ya kuanzisha makundi kila mahali waendapo.

Chembechembe za uongozi pia hufanya kazi vyema wakati kundi la watu wanakuwa na imani kwa wakati moja. Jamaa, marafiki, au hata kijiji dogo chaweza kufundishwa kwa muda mfupi kuwa wazalishaji kimaisha – hata bila kufuata mtu binafsi au kufundishwa kiroho. Katika kikao cha awali, tulijifunza na kujizoesha sehemu ya mwisho ya mfano ya theluthi 3/3. Sasa tutajizoesha kwa mfano wote – sehemu zote tatu - - Angalia nyuma, angalia juu, angalia mbele.